




www.BibleForChildren.org

Genesis 1



Hidin te"an an amin di
logom ya limmun Apo
Dios ad abuniyan
ya tun luta.



Hay te"an di nunlumuwana ya
agguy napanuh di aat tun luta,
ya mi'id ah nihina ti namahig
an danum ya pa'ahhelong.
At nan Na'abuniyanan
an Lennawa di gun
munle"odan hinan
bagtun di danum.




Ya inalin Apo Dios di, "Malmuy patal." Ya na'at an nalmu. Ya nginadnanay patal ta algaw, ya nginadnanay helong ta mahdom. Ya unat goh naluh heden algaw ya nahdom ta nawa'ah ya hiyah de hopap di algaw.



Ya inalin Apo Dios di, "Malmuy umat hi atap ta battan di danum." Ya ngadnan Apo Dios heden ay atap ta ad daya ta naluh heden algaw ya nahdom ta nawa'ah ya hiyah de miyadwah algaw.



Ya inalin goh Apo Dios di, "Ya milahhin nan danum
an wah ampan nan ay atap ta way aton tun lutan
mabunhian." Ya na'at. At ngadnana nan mamaga
ta luta, ya ngadnana nan na'amungan di danum
ta baybay. Ya tinnig Apo Dios, ya maphod.



Ya inalin goh Apo Dios di, "Humangaw an amin di
numbino'ob'on hi holo', ya nan numbino'ob'on an
mitanom an mihda, ya nan mitanud
di bungana, ya an amin nan
numbino'ob'on an bumunga
ta nan bugwan di bungada
ya gun humangaw goh

ta minaynayun

di aatdah tun luta."



At na'at an amin hadin inalina. At maphod hi nannigan
Apo Dios. a naluh heden algaw ya nahdom
ta nawa'ah ya hiyah de
miyatluh algaw.



Ya limmun goh Apo Dios nan duwan
o"ongol an dilag ta nan ong'ongngol
ya algaw ta hiyay ad poto' hitun
lutah nan mawa'ah, ya nan bulan
ad poto' an mangipapatal
hinan mahdom.



Ya limmuna goh nan do'ol ahan
an bittuan. Ya naluh heden algaw
ya na'ahom ta nawa'ah ya
hiyah de miyapat hi algaw.




Ya inalin goh Apo Dios di,
"Malmun amin nan do'ol
ahan hi numbino'ob'on an
munhituh nan danum ya
hay do'ol ahan goh an
numbino'ob'on an hamuti
ta muntadyapandah tun
bagtun di luta." Ya naluh
heden algaw ya na'ahom
ta nawa'ah ya hiyah de
miyalemah algaw.




Ya inalin goh Apo Dios di, "Malmuh tun lutay
numbino'ob'on an kalahin di matagun umiwi ti
nalmuy nahalimunan an a'animal, ya nan a'animal
an wah inalahan, ya nan mun'ada'adap hitun luta."




Ya inalina goh di, "Lumuwon tu'uy tagu ta umat hi aat tu'uy aatda ta diday pange'kodan tu'un amin hinan wah baybay, ya nan hamuti, ya an amin nan a'animal an wah tun luta, ya nan numbino'ob'on an umadap hitun luta." Ya tinnignan amin di limmuna, ya mun'aphod di aatda. Ya naluh heden algaw ya nahdom ta nawa'ah ya hiyah de miyonom hi algaw.



At hi Apo Dios ya inhinanah de han lala'ih nan Galden
an Eden ta hiyay manamun mangipapto' hinan wah di.



Ya inalinan hiyay, "An
amin di bungan tun
ayiw hitun galden ya
mabalin an onom. Mu
adim ahan onon nan
bungan nan ayiw an
mangidat hi la'eng
an dumalat hi
pangimmatunan
hinan maphod
unu nappuhi."



Ya impidwan Apo Dios
an nangalin hiyan
inalinay, "Mahapul
ahan an adim onon
nan bungan den ohan
ayiw. Ti onom ay ya
matoy'an ne han
algaw an panganam."




At nginadnan han lala'i nan do'ol an
hamuti ya nan a'animal, mu mi'id ah
ohan didah mabalin hi ibbana ta way
bumadang ay hiya.



At hay inat Apo Dios ya impalo'na nan lala'i ta
nimogmog di enlo'na, ya innalnay ohah taglang
de han lala'i, ya impabangngadna
an nun'addumon nan lamoh.

At iyammanah den tunggal
an taglang di lala'ih
babai ta nalpah ya
inyuynan de han lala'i.



Ya hiyaat un wa ay ta malhin nan
lala'i ya taynana nan o'ommodna
ta miyaddum hinan babain ahawana
ta paddungnay unda ohan odol.



Hiyah ne aatna ti nidugah di pamhod
Apo Dios hinan tataguh tun luta, at
hennagna han oh'ohhan imbaluynan
dida, ta an amin di mangulug ay Hiya
ya adida milahhin ay Apo Dios,
at mi'tagudan Hiyah mid
pogpogna.



Romans 3:23

Ya an amin tu'u ya nabaholan tu'un Apo Dios, at hiyanan nakudang ahan di amaphod tu'uh pannigna.

Romans 6:23

Ya hay lagbun di nabaholan ya hay ilahhinanan Apo Dios hi mid pogpogna. Mu hay homo' Apo Dios ya nan pi'taguan tu'un Hiyah mid pogpogna an dumalat hi Jesu Kristun Apu tu'u.

Hebrews 9:27

An amin di tagu ya mahapul an matoy ya un mahkay humalyaon Apo Dios.

Ephesians 2:8,9

At dumalat di ama'ulay Apo Dios ya nabaliwan tu'u ti nan pangulug tu'u, ya bo'on hay aton tu'uh maphod ti unna idat an adi mapalغان.



John 3:16,17

Hiyah ne aatna ti nidugah di pamhod Apo Dios hinan tataguh tun luta, at hennagna han oh'ohhan imbaluynan dida, ta an amin di mangulug ay Hiya ya adida milahhin ay Apo Dios, at mi'tagudan Hiyah mid pogpogna. Ya bo'on goh hay maphod an ina'inat tu'u, at bo'on hiyay iting'i tu'u.

Romans 10:9,10

Ya gulat ta ulgudonyuy un makulug an hi Kristuy Apu tu'u ya kulugonyu goh an minahuan Apo Dios Hiyah din natayana at mabaliwan ayu. Ti nan tagun kumulug ya hiyay ibilang Apo Dios an nahamad di ugalina, ya nan tagun mangulgud hi un hi Kristuy Apuna ya hiyay mabaliwan. Ti hay nannagan Apo Dios hinan Imbaluyna ya bo'on hay pummoltaanah nan tataguh tun luta, ti hay dumalat ya ta baliwana dida.



1 John 5:11-13

Ya hay hinapit Apo Dios ya inalinay indadaanay pi'taguan tu'un Hiya ta mi'tagu tu'un Hiyah munnannong, ya henen pi'taguan ya wadah nan Imbaluyna.

At an amin di mangulug hinan Imbaluy Apo Dios ya mi'tagudan Apo Dios hi mid pogpogna, mu nan adi mangulug ay Hiya ya adida mi'tagun Hiya.

Manu ay itudo"u hatun da'yun mangulug hinan Imbaluy Apo Dios ya ta innilaonyun mi'tagu ayun Apo Dios hi mid pogpogna.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Ifugao, Batad Bible (ifb) © 2018, Wycliffe Bible
Translators, Inc. All rights reserved.

<https://live.bible.is/bible/IFBTBL/GEN/1>

©2024 Bible for Children, Inc.

www.M1914.org

www.bibleforchildren.org

